

Балгъсна футболън маргъаг тосхлтин 2-ч управленä команд шүүв

Балгъсна мөрä — кубокин төлä футболин дөрлдән майин 15-д эклlä. Эн дөрлдәнд тосхлтин 2-ч управленä, механизацин училищин, ремзаводин, АТК-н болн Элст балгъсна багъчудин цуглрсн футболън командс орлцв.

Хойр дакдж шүүгдсн дөрлдәнд оршго зөвтä бääсмн.

Майин 15-д ремзаводин команд балгъсна багъчудин цуглрсн командла наадв. Ашнъ — 2:1 тоота багъчудин команд шүүв.

Майин 18-д тосхлтин 2-ч управленä команд механизацин училищин командла наадв. Тосхлтин управленä команд ик тоотагъар — 11:0 тоота шүүгъад, майин 21-д багъчудин командла наадх зөв авб.

Майин 21-д балгъсна стадионд сүл наадн болв. Тосхлтин 2-ч управленä команд балгъс-

на багъчудин командла наадад, 9:2 тоота багъчудин командиг диилäд, негдгч орм эзлв, багъчудин команд хойрдгч болв.

Негдгч орм авсн футболин командд балгъсна физкультурин болн спортин комитетин мөрä — кубок өггдв, наадач болгънъ негдгч девснъгин дипломар ачлгдв. Хойрдгч орм эзлсн багъчудин командин наадачнр болгънд хойрдгч девснъгин диплом өггдв.

Тосхлтин 2-ч управленä футболън команд даругъас болх танъгъчин болн крайин маргъанд, «Хальмг үнн» болн «Ставропольская правда» газетсин нертä мөрән төлä ноолдх маргъанд орх зөв авб.

В. ОЧИРОВ,
физкультурин болн спортин танъгъчин комитетин инструктор.